

四庫全書

集部

欽定四庫全書

集部
定山集卷五

詳校官中書_臣賈鏌

中書_臣劉源溥覆勘

總校官庶吉士_臣何思鈞

校對官中書_臣吳俊

謄錄監生_臣羅翹遠

欽定四庫全書

定山集卷五

明 莊永 撰

七言律詩

送廷貴通政侍親

何處鹽山此故林，青天開眼白雲深。
有君理固難言去，無母臣誰得至今。
一代明良終我念，百年忠孝是公心。
顯揚要識乾坤妙，萬古皐夔萬古參。

與李敬熙

細月肩輿病坐遲相逢連夜幾相思欲將老眼號天淚
痛灑秋江教子詩

秋江敬熙號敬熙有詩教其子

蠻貊虎狼尼父嘆中

華男子邵雍癡喜音日望簷前報先有山家凍鵲知

多承攜拜令翁前一尺長眉八十年忽憶老親埋土壤
可勝血淚漲青天百年欲死成吾恨千古何心累子賢
每望聰明長不及此懷還莫老夫偏

千言萬語在溪橋逆耳深知老舌饒自覺此天無半寸

欲將何處動分毫綱常父子誰甘減斧鉞春秋敢自逃
以我舊從親黨後得忘天地幾長號

五世堂前忍泪過誰知微泣變滂沱傷心萬古明朝緩
揩眼三綱半月多縱不尋常吾輩改其如天性自家何
若將他日尋慈孝遺臭流芳耿不磨

傷心泣涕否還真只把饒饒瀝膽頻鷹隼鸞皇都在我
曾參大舜亦何人但知天下難為子豈有人間不是親
倘肯幡然慈赦後拜公千拜拜蒼旻

子道誰卑父道尊可將定位問乾坤人言莫謂何須卹
天鑒還知略未昏千古是非良自我人間禍福恐無門
老泉明論公曾讀但識雷霆亦理存

百拜焚香不隔簾青天只尺罩茅簷老親念苦慈還在
聖主恩寬律頗嚴得罪舉凡皆可禱撰著除此欲何占
千莖老髮垂添白幾夜因君白更添

強通致仕

草閣傳詩還再拜一江其奈老懷何先生此去真休早

賤子平生是病多，天地幸逢今聖主。
江山誰肯戀漁蓑，老臣要儘深山睡。
莫忘明良萬古歌。

題馬秋官謫判廬州卷

朝躋廊廟暮山州，南國衣冠得壯遊。
郡郭荒寒雖此謫，天王明聖是臣尤。
焚香有閣終朝閉，失馬無心萬事休。
豈有賜環今尚早，乾坤何處不天留。

廬墓卷為惟則軒賦

廬墓聖賢中道否，而今廬墓却稱公。
百年自盡親喪裏，

萬事還堪義起中此論宰予言果謬當年子貢意何窮
平生大記成虛讀敢向人前說異同

雙挽卷為李都憲題

一與江亭坐月高浣靈風氣盪吾曹江山不管論何自
天地安能見此豪磊磊終程與丁堂堂天果稷還臯
千年留得傳家在不但天恩老豸袍

一樂堂為何都憲作

往年重慶拜詩遲一樂而今更許詩厚積何人真自管

皇天老眼更誰欺平生讀易義親見終日焚香邵亦知
俯仰不須呼孟子本無愧怍是吾師

吳宗道醫已入神品張旭草書宜僚弄丸非誑也
百尺竿頭更進一步又在宗道詩以謝之

醫國堂堂到幾豪向人說夢本徒勞名家大手公真妙
此日天峰眼更高草聖百年元醉旭弄丸千古只宜僚
老懷天下都無恙願與人人拜聖堯

六合別俞邦誠

孤舟一雨帶秋開何處
弓旌萬里來已分深山
甘朽木
豈知優詔起非才
人間百事添霜鬢
老去虛名愧釣臺
把手欲將離別句
不勝千古送秋懷

高郵王鴻漸母挽詩

一夢詩豪不自由
短篷疎雨問高郵
每將斷髮憑誰氏
果見移家在少游
萬里升堂空再拜
百年開眼信浮漚
佳兒楓落吳江汨
一灑西風萬古秋

過淮

渺渺秋風送客懷
醉臺老眼看金臺
三千里路今猶在
二十年來此度淮
天地豈勝容俯仰
聖恩何處答埽埃
邛徐幾點飛鴻外
又長秋帆帶雨開

房村將至呂梁用前韻

潏決無窮放此懷
人間著處有高臺
病隨山水還歌枕
老愧風花又過淮
幾句自家真意思
滿船書冊古塵埃
雲山圈出洪頭路
一幅分明太極開

過徐

上洪亂石總烟汀滿為徐州欲小停一代乾坤今險固
千年楚漢舊襟形問人燕子渾非昔遺墨東坡尚有亭
向晚移舟初入沛不勝回首亂山青

和叔毅

北山一夢可忘君不道移文更有文到處河山終與點
人間富貴本浮雲朝廷禮樂真三代治世人才自幾分
閒倚柁樓無限意白頭詩句滿秋曛

桃源寄家書

秋風莽莽問何如
兩月長淮更望徐
幾處客懷憑酒琰
不勝兒女又家書
無程不急趨君命
有夢空歸到草廬
安得聖恩憐老病
青山還我舊樵漁

兗州逢白顯

小繫朝天萬里舟
豈勝懷抱在西周
老忻吾道逢知己
天送先生到兗州
旅館添杯更短燭
暮林隨興寄深秋
白頭又作明朝別
多少行藏醉倚樓

曲阜道中

岐路周回午日光萬叢紅棗萬家桑自知白首觀吾道
何夢今朝入聖鄉天下幾家還孔廟眼中數仞忽宮牆
可能尋得源頭水洙泗無窮一派長

謁孔廟

萬里乾坤萬水東偶從廟貌得瞻崇六經此學千年外
萬古心香一瓣中自有此天人不夜雖無壇樹杏長紅
何人主靜濂溪後不到門牆自聖功

許季升都憲父母挽

江山何許問天開，生却能榮死却哀。
河朔精英終萬古，太行天地幾幽臺。
眼中許把英豪論，天下誰無父母來。
我識偉人真間出，朝公雅量富公才。

挽許舉人季升子也

鼎乎何可論為蓋柱也焉能夢作車
邢子秋風雖宕蕩，顏淵八十豈乘除。
珊瑚水底真成脆，天馬人間得久居。
哭爾豈徒今折桂，千年老淚欲橫裾。

濟寧舟中

長安渺渺送歸鴻
詰曲舟行樹靄中
能走豈如閒睡穩
老年爭與壯年同
滿將海氣供詩興
難把荷衣犯北風
安得聖恩憐老病
江湖滿地著漁翁

不管青天問去鴻
百年都只此杯中
千家小聚村村暝
萬里河流岼岼同
遠樹入河留返照
布帆隨力飽西風
南來北往奔波地
留與兒童笑老翁

東昌舟中

萬里江湖數起居
乾坤歷歷過青徐
得風水遠孤帆外

牽月河長百丈餘，俗債可容還醉筆。
老魔猶與戰殘書，可知酒興今多少。
自點秋灘問買魚。

何地江山不可居，風光滿眼已非徐。
王程算路三千外，老病趨朝五十餘。
北闕到應還幾日，南舟來即問家書。
子陵灘水蘆花月，猶憶秋江舊釣魚。

舟中

暮靄千家望欲平，風光著處有詩情。
秋燈小榻留孤艇，疎雨寒城打二更。
石自隔河分別界，人將望驛問何程。

同行我亦朝天客兩鬢羞看雪亂明

百年高興未全平在處風流在處情老夢到家還萬里
小詩歌枕欲三更詔承君命羞吾駕驛送官船愧客程
曙色滿河船盡發隔波天映海霞明

憲副陳瑞卿乃兄哀挽

霜臺共雨醉臨清許為難兄打墓銘老淚遺碑空自灑
蒼天豪傑偶虛生諸公斗印皆懸肘此老何誰託請纓
他日我來尋八陣敢題詩葛與新塋

直沽

乾坤何地許孤襟
夕雨霏霏島樹陰
時止時行吾病在
潮來潮去海門深
魚鹽自足民居利
奔走全非老去心

白首偶同劉憲副
小樓春色醉豪吟

謂西涯侍郎也

匆匆光景到香醪
萬里天涯兩鬢毛
北海風回帆腹飽
長河霜冷岸痕高
寒城斂霧山俱出
老句橫秋氣亦豪
拱北樓高滄海近
夕陽闌檻倚秋濤

客中九日

九日去年籬底醉今年九日是他鄉深秋萬里孤舟遠
心事無端白髮長老鴈自隨洲渚去黃花不減故園香
孟嘉雖老烏紗在留舞東歸舊草堂

蔡村

孤村遠水入潺湲眼見河流又一灣萬里小舟連夜發
幾灘秋水白鷗閒淺深雨亂移篙地西北秋連出塞山
問訊京師還幾驛不勝清夢五雲間

宿白家川

淺灘還離寸膠前稍稍頻催上水牽偶到人家多處夜
遠隨明月各灣船客非逆旅愁難到鼓合隣燈醉不眠
向曉聽雞還亂發欲將行止問河烟

送冒廷和主事

年才十六已香名可畏真當拜後生活水幾年頻夢寐
揚州前日是豪英秋官主事雖南部聖世金陵共一京
短句殷勤還把酒午門殘雪醉都城

送黃文敷之青州司訓

醉漁留艇白蘋秋一笑京師更白頭到處江山容物論
百年天地任虛舟贈行極厚詩無句處世虛名酒在甌
天與行藏終自定可須相憶在青州

壽奚侍郎

布衣文字得交遲偶到深山另繡時一笑人間真此夢
百年雙壽又公詩為郎有子同曹念再拜升堂兩鬢絲
二十八年猶爾耳浮雲千古亦堪知

送楊明府

高平渺渺隔燕關山路寒風在客顏何處花封今此老
兩年千古一崑山東南才力民初起西北朝廷意肯閒
明日疲殘安已竟中朝禮樂待君還

上西涯先塚和程學士

肯將藜杖負康強採藥尋詩每日忙龐老儘容吾拜晚
瀧岡真托此碑長高名豈更垂今日厚德何慚蓋一鄉
墓木我來今漸拱可勝哀泪到淋浪

登元故城和程處士

人間萬事只陰陽
草樹空城果自荒
夷夏君臣天地老
春秋正統古今長
乾坤乍啓文明運
邊塞纔清烽火場
處處絃歌當聖世
九重宮闕正垂裳

靜庵為文輔乃翁作

花柳平生夢獨頻
開軒終是廣東人
悞來佛氏言相近
看到濂溪派亦真
無極乾坤心上育
古今文字眼中塵
可知動靜俱堪定
明道先生意更新

送夏黃門叅議湖南

蘭芷隨舟到楚都黃門風采動江湖行藏易卦千年定
湘水離騷半字無憂國此民終一念忠君萬里只嘉謨
要知此去今明詔也到山中起病夫

壽祁侍御母

何處親賢是子賢老樵人拜廣西船江山不了劉因句
賢孝初開邵子天有念寄衣慈母切無緣獻酒侍臣專
可知忠孝無差別一日埋綸一壽筵

送景武主事奉使湖南

虛名肝膽更無疑下馬金臺便與詩絕學高山那此念
應魁數五是吾師眼中人物公何去病裏行藏我自知
萬里輕舟真莫問空江殘雪寄書遲

寄時暘都憲

兩接東南使者音不勝回首動孤吟朝廷大義臣何切
陽羨青山夢亦深雲水江湖東道主乾坤禮樂萬年心
莫言一曲無窮調流水高山別有琴

白頭夜夜是雲暘老夢春來每自狂分陝幾人終此老

召公無樹不甘棠書隨老雁聲隨北心在天涯病在牀
安得相逢同一笑大江東海倒離觴

寄東昌謝通府

曉來凍鵲每簷前雖覺無書亦未嫌老子京師貧故態
先生郡閣意何甜三杯薄酒無窮計幾載官居一味廉
白首相思他日夢潛夫何處不吾潛

送楊地官之邊

回朝聞語策安邊也逐羣公論子賢白首豈知相識晚

虛名先愧十年前此公國計三千萬邵子文章二百年
國賢先有叙贈公邊事為
公處置歷歷甚有分曉
我亦區區仁義外武侯充國

更屯田

壽涂太守

南都里第許相連消息東西各杳然每恨相尋無羽翼
不能飛墮此翁前小詩京國逢諸子萬里蒼天得老緣
莫怪無書空遠壽一歌一字一千年

壽孔母

憶昔留詩與壽鄉
一年一度醉瓊漿
偶從白首還朝日
又向高堂盡此觴
幾萬古今都傳舍
無窮天地一滄桑
平生更有鄉隣在
略比諸公舞意長

永思堂

半點元無分外干
百年聊與鬢毛殘
民彝在我還誰泯
精衛何時到海乾
罔極恩深天地在
人間此念古今難
白頭且與終身淚
大舜曾參後代看

和韻

白沙詩在卧愚亭萬古高人萬古馨何處有亭長合在
人間此夢豈詠醒頽然白酒三杯盡只麼西山數點青
看到堯夫真意思無名公本是無名

送別

城西寺裏一相逢癡倚門前別後松王氏我惟尋子敬
九江天與看芙蓉舟中人在三千路江上詩成四百峰
老子南還君正別幾聲離思送朝鐘

榮壽

既與遐齡更與封白頭堂上坐春風平生教子簷酬盡
此日青天蓋已公萬古恩隨黃紙下千年功在此杯中
一官須了無涯分老母年光尚未窮

挽良貴郎中乃翁

何物人間不與同箕裘天地幾春風千年此夢還誰覺
一脈賢郎是老翁神禹伏羲今仲默老泉孟子長蘇公
誰知程珦功非小墓碣青天寫未窮

挽林黃門父王府官

短簷疎雨晚成昏，下馬何來正扣門。
哀挽一歌尋老病，麻衣雙淚灑乾坤。
恩還罔極他誰報，詩送江門愛亦存。
江門謂白沙也。白沙嘗有詩贈黃門，其
冊尚在黃門欲求某詩先以此卷送觀。鼓瑟可知空故
迹顯揚何夢領君恩。

送張黃門出使便道拜母

喜承君命不彫闌，萬里親庭願不違。
進士恩榮先拜母，黃門官好況言歸。
乾坤楚楚看須遠，鄉井山川也共輝。
萬里可知吾分內，成都負弩是還非。

送程大尹之官鄆縣郁長史在義烏時門人也

一書吾友自天涯歷歷諸公盡可誇夢裏烟霞真肺腑
塵中顏面各京華杯深旅館相留月雨送孤舟別後花
萬里衡陽何處是欲將離思過長沙

喬節婦宗大希大祖母也

晝哭黃河淚未乾人間此道本難言冰霜歲月平生定
天地綱常後代看從一無人知大易青天有鐵鑄心肝
我詩知更諸喬在風節能無到不刊

未亡人却與誰同垢面如灰兩鬢蓬老淚吞聲空白日
落花已死在泥中此心百折終難改世事浮雲總一空
萬古綱常交婦女不勝搔首更東風

與王先生某識其人於西涯處

何處相逢一語同李膺門下久知公京華客騎紅塵裏
蔬菜僧齋白飯中易數有傳聞邵學玉關生入論邊功
何時掃地門墻下白首休嫌病老翁

與儲靜夫

一派濂溪自聖賢
教庭草失真傳也
誰此老無窮意
分付人心一個天
明鏡非臺那拂拭
空中有月本虛圓
可知作聖明朝了
萬古還看是自然

挽

儘却名公下士心
秋官難弟更言深
偶誰如此看吾輩
可見先生教子箴
鴈塔慈恩前進士
浙江民瘼舊棠陰
殫歌欲補傷心淚
哀血能無下滿襟

岳伯老妻貞淑配
侍郎賢母太夫人
下機斷髮言雖切

贈典封恩報亦頻史傳古人收列女路碑賢行點麒麟
落花亦任斜陽裏不管東風片片春

拱北樓為劉憲副作

北門鎖鑰在燕東一鎮江山萬古雄臣子意惟知本分
此樓天或鑒吾忠衆星在斗隨天左萬水朝宗到海同
白首向公留一語曲闌天闊晚潮風

王湖州父母挽

萬里艱危病不扶肯將老淚灑窮途欲行千古平生獨

管有人間叛去無贈死封生他歲月天經地義此師徒
堂堂樣子成今古豈但曹南一丈夫

坤承此道且無窮筭珥誰家欲與同辛苦斷機人丁氏
艱危舉案女高恭平生心膽應須竭死後青天也自公
移孝湖州推第一恭人豈止玉函中

紫語褒封為王湖州作

都咈明良本自開東南父母更誰才淮揚汲黯寧終薄
天上褒書果自來萬里烟霄何俯仰此心天地只涓埃

使君可把行當次略與桑麻小屋猜

靜觀亭和南川

人間安樂果誰窩小占當湖十頃莎亭子青天真自在
道人言句亦平和儘堪今古無窮否老奈鳶魚一笑何
再拜我來還許竟滿湖明月到深坡

池亭一坐一成詩頗覺風光與醉宜小弄烟霞雖此興
儘貪花鳥亦吾私將誰點也真堪與前我濂溪笑亦知
多謝風花同與醉老狂何敢望林沂

沂工部主事莆田人嘗有詩靜觀亭

齋宿和韻

老隔垂簾病亦侵夢回西閣漏沈沈
報酬主上平生分
對越青天此寸心
布絮不溫麕被冷
朝衣端坐燭花深
相應郊祀寒仍在昨夜園丘雪尚陰

青燈耿耿火逾紅
數起披衣滴漏中
寒雪小臣聊此夜
至尊今晚尚齋宮
尋常一敬吾心在
自古南郊大禮同
每記他曹同寓宿
白頭何夢更諸公

和西涯韻

金少隱先生集卷五
二程夫子舊家風烏帽長髯大袖中畫格豈徒今日似
白頭元只此心同孤亭野竹叢叢瘦老筆西涯字字工
許可無邊他日意隨花傍柳各溪東

挽沈秋官乃翁

人間罔極報能窮姬舜勞勞幾念中一語小堂空白髮
百年老淚各秋風封書贈典恩誰別紫閣青山夢果同
癡把大中風月計許能千古欲隨公

石翁見寄次韻

花下一杯還一歌
梅雲細路隱垂蘿
春來紅紫花無數
此外東西路更多
影子青天從放誕
頭顱明鏡笑蹉跎
悠揚乘興前溪曲
戲撥流澌漱碧波

萬里長風擊楫歌
了無此夢挂烟蘿
溪山到脚長嫌少
車馬臨門不愛多
瓢挂樹梢風漸歷
鶴巢松蓋夢蹉跎
一聲引起漁家傲
兩兩三三唱隔波

寄沈仲律先生

掉頭自愛逢人言
賣卜何疑超市喧
風日西山還有蕨

蒿萊金谷已無園，頗知公議定千載。
肯信頭銜光九原，甫里幾年閒。
老子扶搖一羽，入雲掀。

桃李無言定有言，采花食實信人喧。
先公天上何熊兆，後裔人間愧漆園。
門戶羣鴉歸返照，杖藜獨樹倚高原。
懶回浦口經年首，幾度長髯付一掀。

標榜何曾敢浪言，不應耳目厭囂喧。
抽頭卧看千山雨，送老窮甘五畝園。
殘夜茶甌供短咏，嚴風竹壁露寒原。
孤帷不為梅花發，不放跣趺不一掀。

山林形影復何言
言有桑麻野老喧
總為食貧歌帝力
不妨抱甕向人園
行無愧影終然好
罪或欺天不可原
種樹書常留枕畔
把鋤手倦把書掀

祇有東風竟不言
吹開萬化不曾喧
光陰放我還收我
花柳南園又北園
紫氣何來逢尹喜
采絲無計綉平原
狂飈莫送長江目
浩浩東流勢共掀

沈公見寄次韻奉答

婆娑獨對皇天影
談笑都來俗子喧
芥子須彌還我闥

千紅萬紫亦春園心無牛口干秦穆跡繼龍頭愧邴原
江上神龜尾方曳放情泥淖不須掀

一回人物如公少三楚姓名從古喧滄海會同都活水
芳菲次第各名園藜羹莫道無萊婦蘭畹應誰負屈原
自古是非看汗簡一番披抹一番掀

階前驚犬虎頻過門外催租吏更喧敲枕月橫千丈石
種芝雲裏四時園崇高楓陛今惟聖貧病桑樞舊姓原
苦雨閉門如坐井一簾垂地未教掀

閒來一坐都忘却為有東風入耳喧春意宜人何獨我
花光著處不皆園驚泥軟趣高高履鶯谷斜連短短原
回首江門去年道兩三連袂任風掀

攻心真樂濃如酒避俗高人寂不喧接羽雲霄千仞鳳
交陰椿桂一家園趨庭舞罷星臨戶倚竹詩成風滿原
更愛紫荆花意動花根活水手隨掀

衡州鄧貳守示寄石翁詩次韻奉答

隱几青山疑有約展才皓首笑無功白牛車子終居洛

金口人家莫薦雄
衡嶽主人開洞府
湘江烟月狎鳬翁
憲臺東老書頻到
鴻鵠遙連萬里風

花柳音非曲徑通
尋幽莫道我無功
天和得處人方樂
地主豪時客亦雄
榮願已教都絕夢
頭顱不恨半成翁
從君欲飯諸峯蕨
只恐香飄口角風

蕩蕩乾坤無異境
熙熙造化有同功
雲霞繚繞孤眠穩
霄漢飛騰一羽雄
文綉蚤知非趙孟
鹿裘老去是榮翁
衡山笑與箕山較
瓢挂林梢不斷風

隨州守士脩見寄諸作次韻

宦遊隨國吾何薄夢入華胥晝亦酣
有限光陰真自惜無端世事不交談
公門却掃雲生席流殍歸來月滿庵
收拾江山閒調笑清風萬壑卷晴嵐

朱戶垂楊迷畫轂玉河流水漾春襟
普天弓劍莓苔卧萬國簫韶龍鳳吟
領郡有人生色少握犴無地托交深
吾宗不取當年美衣振青天萬仞岑

送勅侄奉母之官所

鶯花三月揚州路
傍母東征覲父官
作伴青衫供色笑
如雲綠髮襯斑斕
後生滿眼應誰畏
門第當時亦不寒
官署日長閒展卷
中郎有眼在毫端

奉沈都憲和韻

豈無魏野忘情得
只有萊公著眼真
卑賤不知誰是我
謙光自信福膺神
焚香詩讀兩三卷
洗手歷開十一春
不盡長歌還短舞
典衣沽酒共比鄰

兩脚東南萬萬峰
悠然雲水一行蹤
地爐撥火常煨栗

岩谷鋤雲只種松睡過茅檐餘丈日衝來風雪只幾翁
閒拈周易從頭讀能躍能潛道是龍

寄馬侍御思進

一迴白簡朝廷近萬里青雲屬望遙我老升沈須異地
公觀南北自同條人間榮顧非英與天上經綸到理料
須聽朝陽鳴鳳鳥却教次第感蕭韶

黃公山釣臺浸水荅陳二教先生

浩蕩烟波笑此臺悠然雲水不安排餞無溪友相留去

欽定四庫全書

文山集
卷五

五

饌有江魚自入來大放絲綸看月上小將舴艋認風開
相看歌子還相戲誰倣前人舊體裁

山色水光相上下酒瓢詩卷日挨排早知長日不虛過
肯道吾生是偶來一點青天南極眇全臺白眼老夫開
荷花菱葉無人管留取襟裾次第裁

贈蕭恒實

千秋鳳鳥來空舞湖北湖南不斷飛文彩我驚千仞表
交情君重一年違知無秋卷呈親恨喜有江魚入饌肥

赤壁磯將黃鶴景月明收拾一囊歸

送友卿還上虞

袖滿烟霞屨滿風會稽面目許誰同此功天地本無外
行跡水雲都自空冷暖一年蔬飯裏往來千變不言中
臨風挿羽仍霄漢約我重來五嶺東

丘壑生涯甘自適路歧迂僻問相尋為人機恐除根晚
非聖書曾著意深剗曲雪來空有興鴛鴦繡出已無針
因君獨起孤山夢坐弄梅花月底陰

欽定四庫全書

文山集
卷五

五

聞華容劉東山先生致仕

蒼生何處共東山善自為謀去不難塵外有人瞻紫氣
鏡中疑我尚朱顏一官自笑三年往百歲長非頃刻閒
三十六灣風月好魚龍昨夜舞灣灣

謝天與改官汴臬幕東嶠兄有詩次韻并寄

梁國何曾還咏我今人情或古人同電懸雙眼欺秋水
髻擁三花御野風柱史官來頭已白醉鄉逃去頰初紅
吹臺獨上高回首各各溪河落照中

活動天機切太空四方上下本玄同坐臨梁苑梅花月
行倚汴堤楊柳風醉掉頭顱紗帽側倦遊車馬軟塵紅
詩成愧我空相憶都付蘇門一笑中

太守馬公墓誌成詩寄其子侍御

翰墨非徒此著勛欲從地下起斯人文章老去還須悔
語默元來只自真罔象幾回悲夜雨雪山終古共秋旻
還吾第二碑今日零替高才一愴神

寄會卿弟

有叙

蔡公既種下秧吾宗已得其價豈可使弟獨出田補
之只今年了得則可亦時鄉弟言也小詩為我讀
而和之

丘原老樹半交陰取次栽培正賴今井漂收來同是福
淵魚眼底可曾深相應事許齊齊好正謂人無各各心
果欠狐裘三十載長刀短笠只孤吟

贈通山葉秀才相

時相館
鄉約堂

日短日長憑大化人非人是信當時豈無湖水甘神漢

更有溪毛當紫芝步入塵埃遲亦得樂非形器熟曾知
泯然獨與溪堂坐畏壘千年或在茲

寄雷敏

舊雨亦留今雨留而翁中表分相投山居老我為兄愧
兒輩還君與道謀經笥破胸書萬卷筆鋒落手欠全牛
青燈長夜相逢教分付而今愛黑頭

下庄栽禾呈諸兄弟

樹綠陰底壓竹籬山青面好闌茅茨隔花老眼看人悞

煮石山童報飯遲
苗意懷新時雨效
人情依舊濁醪知
蓬蒿剪盡兄兼弟
賓祭年年合有支

指迷中路須童子
拜號村山亦具茨
杖屨已空天地闊
頭顱聊得雪霜遲
呼牛應馬誰無事
運水搬柴君得知
世短意長無俗念
青帘影裏酒頻支

十畝山田都漸次
數間野屋有塗茨
施為正處勞神少
租稅先時見吏遲
容足江山如有待
候門童穉總能知
不栽溪口桃花樹
勾引來人恐莫支

任仲謀仲祿萬鈞諸弟載酒訪田所

人好烏鳶同鳳鳥迹高黃閣亦茅茨
荒村載酒相尋少
嘉種逢年豈患遲
拾穗獨憐公不悔
締交曾許鶴先知
五風十雨天終定
弟勸兄酬樂不支

和升卿弟

弟許長歌兄許和
情須相愛法須排
天人耀休同調
城市山林不兩來
眼底孤燈憑夜剔
腳頭荒徑到時開
池塘草色如鋪錦
刀尺今番看巧裁

寄答會卿弟示詩

分付周遭不挿籬雲為簾幕霧為茨堂堂大路容人去
稍稍仄心得老遲元亮醉鄉同此醉叔牙知已是誰知
隨身官殿皆堪適何許勞勞費四支

林待用擢方伯不赴

風滿南窓一枕宜懶將心跡較皇羲高山大谷看龍變
流水行雲到我知今古英雄都百歲輪蹄世路但千歧
歸來老子揮金少笑共桑麻話雨時

用前韻寄雷鳳卿

落景世情休暫留
早知明月是輕投
瑤臺驕我雲霄勢
吾道欺人歲月謀
野鶴不知官落羽
波神無意辯來牛
清塵不別紅塵路
看取東西在屢頭

寄雷震東讀書塾湖并寄震場諸昆弟

一瓢蔬食非難受
萬里毛錐亦易投
青眼今宜惟古是
黑頭命未與仇謀
小將一杖扶岐路
何許孤槎訪斗牛
奈可逝波頻洗眼
等閒不漫過橋頭

白沙為役兩年留杖屨朝昏不暫投
膽內齏鹽無世味
案頭螢火共書謀功名堪折中郎屐
鼎鼐終函上帝牛
弟子爾家佳且衆東頭住好接西頭

手未攤書意已留兄知拈掇弟知投
門庭諸父無遺蠹
館穀經師更善謀盤錯幾年都利器
福轅前日有童牛
儒生迴首吾家季弱冠當年應鵠頭

贈吳別駕獻臣復之成都

蒼梧飛檄蜀都臺病起今年別駕來
千古事功人每後

一回巖谷眼初開路經灩澦波方定心許乾坤老未灰
相慶一冠逢太守黃堂元不着塵埃

送成都謝外郎

隔歲益州來從事並舟別駕且衡山草疏旅食秋將盡
鉛槧孤燈夜向闌淚落猿聲歸少應官隨蜀道去何難
芳菲收得盈箱篋碧杜紅蘅更紫蘭

岳陽樓

九江有水來天地三楚茲樓冠古今日月宏開雙照耀

行藏偶此一登臨
霓裳無復君山奏
蘭芷空悲屈子心
了了世情歸泮溟
巴陵小放酒杯深

岳陽樓留別張公

千尺雲樓萬頃湖
我公雄槩眼中無
霜天幾度入坐定
縹渺長歌步到虛
鷗畔野舟都蕩蕩
簾前香影共如如
當年信有東山眼
宇宙中間合自孤

石翁又有書至詩寄兄東嶠

又拜封書到石翁
非商行我復非戎
百年老只門牆下

幾樹花留欄檻中
白髮庭闈兄
早暮青郊菽水子
西東
明年鸚鵡洲邊路
活水和風百尺蓬

邑二教陳先生以詩贈行用韻奉答

此志平生遂則宜
回看顏魄與傾義
幾詩秋砌佳花領
一雨春盤早韭知
江水無魚曾入釜
昆丘有鳳未歸岐
青松夾路龍潭雪
獨撫交柯屈鉞時

用前韻寄東嶠兄

舉足千尋欺凍壑
抽頭三丈看朝曦
身遊物裏都何意

事到人間了不知囊有洗瑩臨穉子行無怒馬出他岐
直衫圓帽東山老全楚風流見此時

無心雲水一虛舟競注江河靜不流蛙鼓耳邊三兩部
橘奴眼底百千頭道非身外朝朝樂事付人間種種愁
幾夜月明無限酒逍遙只對洞庭鷗

扣舷清唱影相隨卧有星房馭有羲天放青山南面熟
波催采鷁北風知籠中日月非高鳥屢底烟霞是舊岐
曄曄紫芝朝暮足敢將腸胃傲當時

寄兒教與

常自激昂攤夜卷不將盥漱待晨曦侵雲髯脚能虛櫛
抵頂天公合有知厨北編籬聊護笋樓南築圃細開歧
董生記得昌黎語處處咨咨不動時

長沙王守話舟中問還期曰明春因識一詩

三寒空把隴頭梅兩地心情未入灰客路三千餘里在
慈顏七十四回開師恩滄海汪洋見鄉思青春作伴來
莫結浮漚舟上伴長沙把酒話徘徊

書東山草堂扁

東山謂華容劉戶部時雍也

封題雲卧東山扁歌咏司空表聖詩天闕星辰遺舊履
橘洲歲月有殘棋石橫流潦潛蚪角梅迸垂蘿屈鋏枝
自笑野人閒袖手雲烟濃淡忽交馳

黃落空山滿地知江湖殘線一襟詩是天榮瘁元無意
犯手輸贏不會棋沙苑草非騏驎秣瀟湘竹是鳳凰枝
紫虛有約千迴醉笑指僧趺亦坐馳

喜諸生夜讀

短檠深夜一船虛三尺藜牀幾卷書枕外坐聞心慰我
波中出聽喜知魚政求入處門墻是豈乞人間富貴餘
聞說天孫雲錦好大着心眼看何如

聲自何來谷本虛敢將糟粕委諸書不求安飽思無益
頗賴朝昏食有魚巢鳳依梧輕萬里篝燈承晷借三餘
欲歌子建瑩篴引清響雲梯愧不如

實逐花來實不虛今來芳躅古來書頻將心手翻絳帙
也替芝香辟蠹魚戰勝此身無律兀攻堅人力不遺餘

請看三五天邊月後夜清圓尚昨如

疊前韻

迂腐年來笑壑舟曉波不住夕波流眼欺幾卷留燈燼
鐘散羣雅落樹頭短髮江湖天欲雪長征土木路皆愁
驚湍數畧相連續未許天機到白鷗

峽束蒹葭帶客舟江涵星月傍人流悲歌絕意關人世
縱飲無錢解杖頭海角往來都此興心端萍溟浪誰愁
不眠猶抱閒來膝山狎浮雲水狎鷗

又向清湘弄一舟笑將雙脚問清流囊收風月非窮相

夢熟烟霞

衡嶽
峯名

最上頭招隱誰甘同寂寞著書獨不為

窮愁稻粱滿地悲鴻舊馴得滄波萬里鷗

蕩蕩白虹揚一舟乾坤孤影在中流風高物外浮溟興
天蓋人間岸幘頭歷坂鹽車騏驎病委霜人路菊花愁
也知萬戶封侯樂一點真閒不及鷗

次韻王良卿

豈難插羽會高風亦易收名上景鍾族並河汾源不淺

門傳文武道初同酒杯照滅青燈影日晷催成黑髮功
七十二峰雲霧裏不知玄豹在何峰

次韻余秀才

門牆不外千桃李澗谷誰甘一蕨薇足底烟霞宜我未
竹間香采是梅非雲開萬里天無意海放孤槎我有歸
閣寄紫虛年五百鍊筇扶路此通微

到我連篇都月露疑人有策頌巖廊齒牙不薄紅綾餅
風月宜歸紫錦囊黃鶴高登知後念朱陵今話記前忘

儒家莫悔生涯薄舍下詩書墻下桑

演武亭為衡陽王都閫

疆圉豈圖誇卧鼓孫吳不謾話陳編奇兵指顧此堂下
全楚山河都目前法外是人知長上心來應手得戈鋌
太平尊俎羣公會記得今年十二年

用前韻寄歐陽汝魁

燈燈夜續一清光寒卷深扉暑卷廊除却青氈皆長物
待來紫荷看新囊青山白日丈猶在敝帚千金價亦忘

此意君知高引領童童紫蓋影籬桑

寄汝賢乃兄

聯轡炎風笑語長
愜謀舊雨獄西廊
蓬壺不讓容潛息
行止何方此括囊
人自別來頻入夢
路從徑處不能忘
托尋雲侶無烟火
木葉為名不種桑

用韻寄于廷玉

只看老屋臨流水
不遣彤庭植紫微
早歲是君馳廣譽
明年遲我到知非
怡怡中饋輕車馬
疊疊元郎識止歸

問我陪隣來岫嶠豈專巖谷話幽微

耒陽弔工部祠墓

不遇龍蛇有屈伸悲秋可忍更傷春
唐虞回首封比屋孔孟樂天非旅人
清世獨來真自笑黑頭何處不堪貧
靴洲五百年來水誰照逍遙七尺身

應葬不葬等是休有生無生情肯留
壽遲殤子千年在詩與江河萬古流
天借人心都日月山藏廟貌自春秋
拾遺苦被蒼生累贏得乾坤不盡愁

次韻郴州博韓先生

儒衣寬博與懷開只此斑斕便老萊自愛日長如歲在
不知羶冷有官來奇觀具眼東溟是閒夢何心北闕回
右手承歡須捧檄何妨更舞左持杯

用韻簡孔貢士

梅放仙香滿意開郴州誰道不蓬萊新杯幾共殘杯續
今雨還同舊雨來冠玉相逢顏色在凌霄倘許脚跟回
曲肱驚起先人枕又進乾坤水一杯

郴州留別高揮使

昔歲潭州話熟君文韜還許此重論黃金帶重新開府
黑髮冠戎舊將門玉帳中宵刁斗靜天河一洗甲兵存
蠻烟幾試巡遊馬桑柘陰陰日色溫

用前韻再寄韓州博

相逢笑口幾回開落落長松帶草萊首膺有盤誰合共
乾坤無語客初來南驅竹几行偏穩北轉雲山首重回
樂意滿腔推不去教兒又進濁醪杯

與致政孔千兵

紗帽閒眠心兀兀金戈不枕夜沉沉要知此老無官府
須是昭文不鼓琴細字蠅頭雙眼在遠塵鹿伴一丘深
果留不盡遺孫子玉樹瓊枝總出林

答王朝儀貢士

可是貞心世不磨珊瑚枝上看餘柯情傾一面逢君晚
酒載雙瓶過我多坐久客檐聽夜雨路長塵世隔秋波
光芒未試衝星匣十丈無前有太阿

郴州葛別駕兩過寓舍見訪

楚國人才壓上流
胸中著此一監州
開門君屢春風面
來興吾方雪夜舟
官府清虛身似寄
烝黎勞憊鬢添秋
姜飲未到先聲喜
雲影天光共一樓

木昌道中

瀧石橫流盡犬牙
千林不見鳥為家
沿山曲曲無名水
夾岼鮮鮮空好花
赤脚舟人寒逆棹
青烟洞獠手燒畬
眼前幾盞催詩酒
歲暮無錢何處賒

遠去江湖志不違
今來未覺昔來非
眼穿海月籠沙白
足倚熏籠貯火微
行客自知無歲暮
飛鴻不記有家歸
脚跟自有平生路
未許緇塵點素衣

五羊寄鄧先生俊

追隨獨愧共江門
今昔交承信有神
一舉十觴聽雨夜
七年三遍度隴人
好山我有朱陵洞
空谷君談鄭子真
草色河邊春意動
重逢肯負可憐春

後時自許甘丘壑
前席將無問鬼神
浮世虛名非得已

出山小草却悲人別時笑語風吹斷會處迷離夢寫真
四十餘年一回首乾旋坤轉有冬春

寄荅廣州黃別駕

風流信自東山里咸會更同南楚情滄海方能乘寶筏
監州政爾得仙城臨岐杯酒歲將晏識面芳菲春欲生
半畝楚雲臺主我獨來弄月又殘更

寄荅朱推府

高才推足當府政餘子自知無宦情海國風潮催夕棹

蠻方花柳被春城名香簾引清朝動病草風醫昨夜生
澤物洗冤兩無憾遺編殘燭有深更

贈方文粹奉親之官京師

方駕前賢不翅過相逢休要問如何喜承毛義當年檄
笑聽武城盈耳歌尊酒小傾真話盡江湖誰為宦情多
長安十丈香塵馬滿眼何人淨綠波

次韻沈都憲

王公作意下郊人廊廟江湖夢亦真投老千峰聊自約

初交一臂此何神青山兩坐曾他雨白雪連歌別是春
高逝鳳凰九千仞清都只恐絕無隣

鶯花笑弄祝融峰來往應誰認此蹤老子夢多山水癖
中丞情有歲寒松可無巢父安唐世況得南軒待晦翁
黃鶴樓前一回首白雲鄉裏看騎龍

贈文二

一燈何處寫相知對坐寒窓暮雨時詩本平生非杜甫
琴纔臨老遇鍾期儘堪出手名家早但覺忘年得友遲

肯許無言真妙處欲將千古慰深思


無題

酒杯三十六天峰爛醉溪雲草閣翁
水木本源江北意鳶魚飛躍白沙風
衆人耳目寧須別萬古行藏豈必同
明日老懷何處寫幾叢寒菊遶籬紅

用韻寄常邦靖

自古賢甥有舅風後先大呂倚黃鍾
襄樊新徙嚴君鎮耆舊應知叔子同
萬里山河宜聖世千年苗裔策元功

遙看塞上清烽火
彝鼎勲名愛玉驄



定山集卷五

欽定四庫全書

集部
定山集卷六
七

詳校官中書臣賈鉞

中書臣劉源溥覆勘

總校官庶吉士臣何思鈞

校對官助教臣羅萬選

謄錄監生臣李觀光

欽定四庫全書

定山集卷六

明 莊昶 撰

序

滁州志序

環滁江北一畫醉翁瑯琊環滁一畫韋應物滿執中之
詩歐陽修曾子固蘇東坡之文醉翁瑯琊一畫言醉翁
瑯琊而不言豐樂醒心龍蟠者以環滁之大言也夫地

因人勝天下之大豈無奇絕可畫如環滁者哉無韋應
物王元之歐陽修者之為守無蘇東坡曾子固滿執中
者之為客是以無所題詠無所描畫而山川形勝徒滅
沒於荒烟白草而文獻不足徵也使其人則凡山水
之可畫者當磊磊自勝而不落莫於天地間矣嗟乎天
下之物固有遇不遇者蓋亦數也雖然數豈盡乎物哉
而物豈執乎數哉以余觀之環滁之遇不足以為遇也
韋應物滿執中者詩果何哉詩人之詩也歐陽修曾子

固者文果何哉文人之文也以詩文之人而當此環滁之遇其眎尼丘之孔泰山之軻舂陵之周龍門伊洛之二程紫陽雲谷之朱子其所遇者當何如也一元十二會豈細事哉萬古一大開闢天地一大幾會人固思境而境亦思人山川與我固欲各無恙也而騷雅餘談文章小技者惡足以當此哉吾聞梅花五百銅狄三千將必有為環滁增氣者矣天豈虛負乎我哉而環滁之勝豈徒為可畫哉天之生此山川自然有此人傑是惟在

乎精去取秉化筆者之何如也然畫筆以天而不以人
其所以陶鑄乎天下者此其所以造化乎今古者此使
修郡志而不知天地之有化筆則山川盛德固雖有以
包容乎我而天下萬世豈無具大隻眼者哉此又可與
知者道也今年夏太守曾公謂郡文獻不可無志乃取
陳侍郎之所修者而筆削褒貶不敢一苟此何例哉蓋
知韋蘇歐滿不足以睨化筆之一毫而拳拳收領乎孔
孟程朱者無非欲以天地聖賢為一大畫軸也夫詩文

之人以畫而為畫工之畫化筆以畫而為天地聖賢之
畫由此觀之則環滁一畫果何畫哉書成命滁兩生劉
鍾嶽石允高者過定山以序為請景亦嘗有詩瑯琊而
又以公為滁賢守也遂不腆為公一序

近思錄序

聖人之道貴無言而不貴有言非不貴有言也影響形
迹而糟粕文字已落第二義矣而無言則真靜圓融若
憤也而真見若冥也而真趣若虛寂也而真樂彼以天

得而此以天與極其自得之真而出乎意象之外是以
聖人不貴有言也聖人不貴有言然亦卒不能無言者
聖人不得已也郢人運斤成風斲終日而鼻不傷九方
臯相馬得其神而驪黃牝牡有不顧得於心而應之手
取乎內而忘乎外雖父不能以傳子而臣不能以告君
非不傳以告也九方臯不可以常得而郢人不能以常
有也有則可以心傳可以神會如其無也聖人安得以
恣然哉有所蔽者通不能忘有所迷者指不能忘故義

文周孔不能無六經孔曾思孟不能無四書濂洛關閩
不能無太極圖不能無通書無西銘無近思錄譬之天
地欲明也不能無日月星辰欲潤也不能無江淮河漢
人之欲聞見也不能無耳目口鼻是皆不得已也不得
已而已為隱得已而不已為聒聖人無隱無聒是以雖
不貴有言亦不能無言也懷玉婁先生提學南畿以近
思錄註於建安葉采者不能無少魯魚乃命棠君周文
化以刻於棠將以教夫天下學者先生行視郡邑每至

定山必宿我臥林相與危坐三日而後去先生之容與
進退未嘗不鳶魚其間而凡所以示景者無非不言之
教也景雖不能默契萬一然謂之無言則未始不知之
矣先生以是教之天下豈得已哉或曰先生非不得已
者以無言之教景以有言教天下也景曰是可以槩以
無言者非專於無言蓋以觀夫欲言以有言者非專於
有言蓋以待夫將欲無言孔子欲無言而子貢曰何述
孔子言吾道一貫而曾子曰唯先生以曾子待天下學

者而子貢夫梟也於乎天下學者安得不思所以為曾
子哉書成棠君以序屬梟廼不敢自棄僭書於此固亦
非得已者

送潘應昌提學山東序

河出龍馬洛出龜書天地之秘泄矣而伏羲神禹之後
惟邵康節得之光風霽月魚躍鸞飛道之妙形矣而仲
尼顏子之後惟濂溪二程朱晦庵得之國風雅頌刪自
仲尼人之善惡著矣而三百篇之後惟杜甫李白陳后

山黃山谷得之雲行雨施山峙川流天地之文著矣而
典謨訓誥之後惟班固馬遷韓愈蘇軾得之夫楚人得
弓楚人失弓得可失可然何用於得哉蓋天地吾也吾
天地也圖書吾之陰陽性理吾之旨趣詩吾性情文吾
威儀苟陰陽不知吾斯汨已性理不明吾斯懵已性情
不達吾斯滯已威儀不肅吾斯鄙已於乎其可以不知
得哉然古今完器造物所忌而得亦有不可易者康節
講易伊川謂其好聽而朱子又有與聖門不同之說蓋

康節得易之數而易之理不得也朱子謂子美夔州已後之詩自出規模橫逆已甚李杜陳黃得詩之辭而詩之理不得也先儒又謂六經已後無文蓋班馬韓蘇得文之法而文之理不得也惟周程張朱之學可以無間然孔子自以為不試故藝而子貢又謂孔子天縱將聖又多能也是則康節之數子美之詩太史公之文又豈足為吾道君子之累哉余嘗考夫數千百年之間學程朱之學有康節之數有李杜陳黃之詩又有班馬韓蘇

之文吾友應昌先生不可辭也先生與余為同年進士
釋褐之初余識其人於衆人之中觀其風神聽其議論
已有天馬行空之想其後北轅南楫與先生不相見者
十年而先生倚霞結屋其養愈高其學愈富而今其官
大理也則充斥橫發欲遏難止而新詩健筆雄文大手
蓋已震蕩出沒於玄濛間矣余得而讀之若示以杜權
若示以杜德機者其反却而走不知其幾也逮乎即而
親之考其所存則居然陳邵之所與徒而賴乎周程張

朱之終與歸而先生之器完矣夫先生之器豈獨自完而不完於天地者哉莊子曰知天之所為知人之所為至矣蓋必有主張乎是而為之者不偶然也何則天開於子地闢於丑人生於寅而人文則盛於午未離明之時而今正午矣豈無一人以當其時乎我國家列聖相承仁漸義洽涵養百年人才之出莫盛於此豈無一人以當其盛乎然古之人非無以當其盛者而容有不及其時非無及其時者而容有不當其盛此所以不能無

容議其間而先生不可及矣先生今年用薦者擢山東按察提學僉事先生之學有本有末而山東鄒魯之地孔孟之鄉其餘波殘馥猶有存者先生以其道教其人而又以是數者兼舉而並行則今日之杏壇未必非古杏壇也今日之顏曾未必非古顏曾也收南豐之瓣香續仲尼之正脉余敢不於先生今日有望哉先生行其門下士某求言以贈然昔蘇子瞻謂言有大而非誇達者信之衆人疑焉嗟乎余之於先生其言大矣安得有

如蘇子瞻者與之以論此哉

壽六合鄭闇庵六十序

天地以十二萬九千六百為壽人以百為壽此定數也
天地人之壽雖有一定之數然人則有與天地同者又
不可以數論也何歟天地有日月星辰水火土石而人
則有心膽脾腎肺肝膀胱天地有雲雷霧雨而人則有
吹噴噓呵天地有陰陽五行而人則有健順五常天主
用聖人亦主乎用天主體聖人亦主乎體天地一人也

人一天地也天地何異於人哉人亦何異於天地哉天地不異於人而衆人不知故不能養浩然之氣以塞乎天地聖人知之故能上識天時下盡地理中盡物情而通照乎人事是以太極以之而九弄造化以之而出入古今以之而進退人物以之而表裏心天心言天言行天行矣聖人既與天地無異則其壽也豈異於天地哉故上而堯舜禹湯文武下而周公孔子周程張朱其壽雖各止於百歲其道之行於當時傳於後世則亘古今

而無窮歷萬世而無間天地之壽十二萬九千六百聖人之壽亦十二萬九千六百矣聖人之壽果十二萬九千六百哉邵子曰欲知仲尼之所以為仲尼舍天地將奚之焉是知天地之道即聖人之道天地之壽即聖人之壽道之所在者壽之所在也世之人以俗眼觀壽者以壽為壽以道眼觀壽者道其壽矣嗟乎人可以不知道哉六合鄭閣庵先生壽六十風流強健耳聰目明髮漆墨齒牙無一搖脫先生以進士主事刑部養高林下

二十年矣先生殆亦知所養也使或不然二十年林下亦奚事哉古之人以虛生為夢夢夢者易乎其所以養然養亦未易其不易也先生於此果能道其所壽若朱子所謂人雖八十亦當硬寨做去則道之在我者亦無不盡而吾之上位乎天下位乎地而中位乎兩間者亦將無所愧怍而夢夢者亦可一噴而醒矣是其壽雖以百而其道不以萬哉武德蔡揮使某者先生乘龍壻也一日以先生初度之辰求言為壽某野人耕於定山此道

之外無可務者遂因其請也與之言道

送戴侍御提學陝西序

浮梁戴先生以侍御提學南畿既數年績用告成擢陝西提學副使江浦掌教吾先生送其行先生謂宜有詩吾先生曰吾詩豈足為先生重請一言以重於予夫吾先生以屬予以迂屬者不足為先生重迂者豈足為先生重哉吾先生曰何謂予曰世方病迂見夫迂者不以為狂輒以為怪予知世之病此輒謹閉其口不敢苟出

一言戴先生雖不予病然越雪蜀日不疑足矣尚敢望其九鼎予乎吾先生曰言之吾請致之當有擇也予乃告曰楊墨之害甚於申韓佛老之害過於楊墨人皆知之科舉之學其害甚於楊墨佛老者人豈知哉夫何甚為我兼愛寂滅虛無楊墨之學蓋足闕矣至於富貴利達患得患失謀之終身而不知反者則又佛老之所無也是故古之學者八歲入小學十五入大學灑掃應對進退之節格致誠正修齊治平之理自近而遠自易而

難施之有本進之有序科舉之學亦有是哉惟能斯能
蓋夫必也屬聯比對而點綴紛華某題立某新說某題
主某程文皮膚口耳媚合有司五經四書擇題而出變
風變雅學詩者不知喪弔哭祭學禮者不知崩薨卒喪
學春秋者不知嗚呼此何學哉富貴而已利達而已覲
覲剽竊而已明德新民果如是乎性分之內果有此乎
昔朱子謂廬山周宜幹有一言極好朝廷若要恢復中
原須罷三十年科舉始得科舉得士恢復中原計也周

宜幹乃欲罷之何哉豈以科舉為媒利之階而其人不足
以知親上死長之道故欲罷也昔胡楚浚又謂科舉
之外自有義理曰外云者科舉自科舉義理自義理科
舉無義理也夫道不明豈道罪哉科舉害道也凡人得
所恃以為人者道也所恃以參天地者道也所恃以經
邦國者道也科舉之學害道人何學哉今之世科舉之
學盛行求者曰是取者曰是教者曰是學者曰是三尺
童子皆知科第為榮人爵為貴一得第者輒曰登雲輒

曰折桂輒曰登天府懽忻踴躍鼓動一時自童習以至
白紛率皆求之殫竭心力必獲乃已至於所謂義理所
謂性分曾不知果何物也糜爛橫流不可收拾把持斯
道今果誰乎先覺後生今果誰乎予則不能不有望於
提學諸君子也戴先生安能辭其責哉吾先生曰有是
時王之制要之不可盡廢予曰君子仕道必科舉哉如
慮廢也利達絕之義理開之教其涵養道德於平時不
得已而發為科舉亦無不善昔東萊得一文卷便識為

西江陸子靜時王之制廢乎否乎吾先生曰似矣毋重
自迂請書以告戴先生

贈鄉進士陳孔章序

天之生人未嘗不待之以為豪傑而人不能以豪傑自
待者負乎天也豈天過哉故古之人知天之所為我者
如此故周孔以聖顏曾思孟以賢周程張朱以大儒名
世以接千載不傳之統蓋汲汲然也後世科舉之學行
天下之人始不知所謂豪傑矣故凡領薦一鄉登名一

第率曰此豪傑也而人皆以豪傑自負幸而出一頭地
得魁一省魁禮部又幸而得魁廷對則又莫不以為豪
傑中之豪傑也夫魁廷對者謂之殿元而殿元又科第
之至顯者以殿元為豪傑則王曾殿元已而王拱辰非
殿元者乎陳文龍殿元已而劉夢炎非殿元者乎由是
觀之則科第未嘗無豪傑然不足以恃為豪傑也使得
恃以為豪傑則凡抽青儷白而駢為四六者皆可以叅
夫兩間講承破結而工為時文者皆可以指為聖賢掇

青拾紫而儋人主爵者皆可以貫乎古今而萬物皆備
於我之身皆可以視血氣之軀而周程孔孟所謂盡心
知命之說鳶飛魚躍之妙皆可以目為老生迂濶之談
夫天之所以待夫人者固不如是其小而吾之自待亦
應不如是其薄予少也學夫科舉固嘗以豪傑自負既
而竊登一第稍知所趨則俗學卑陋悞我歲年蓋已過
半雖欲改弦易轍而髮種種則已不可及矣每誦古人
俗學已知回首晚之句未嘗不為之撫心大痛也予每

告夫吾弟晏者使知所猛省庶幾不蹈吾老悖之故轍也鄉進士陳君孔章上計春官往來省其父江浦予每見之學宮英年白皙何所不至請予一言予忍不以告吾弟者告哉於其行也書以贈之陳君將亦知所以為豪傑也

壽蔣母序

金陵謝汝申過予活水請言以為其岳母壽予辭汝申曰吾何敢以婦人辱先生教也得一言藏之笈以為蔣

氏光足矣吾聞有善非婦人有惡非婦人也吾岳母婦人也壽之有善矣吾豈敢畏影而走乎日中哉當亦有所在也予曰道不易言果若是則名重而實輕文字重而道輕矣子亦知所謂道乎道不外乎太極太極一陰陽也陰陽一五行也五行一萬物也太極動而生陽靜而生陰太極判而陰陽分矣陰陽分而五行布矣五行布而乾道成男坤道成女而萬物生矣萬物生而變化無窮矣故伏羲以八卦為乾坤為坎離為艮巽為震

兌而文王以乾為父以坤為母以震為長男以巽為長女坎為中男離為中女艮為少男兌為少女而邵子以無極之前為陰函陽有象之後為陽分陰陽為陰父故母孕長男而為復父生長女而為姤而洛書之合於先天八卦數圖又以乾坤生於老陽之九四坎離生於少陰之三八巽震生於少陽之二七艮兌生於老陽之一六又是未嘗生於陰陽男女之外也周濂溪作太極圖說謂聖人定之以仁義中正而主靜蓋一動一靜各臻

其極而天下之故常感通乎寂然不動之中而寂然不動果何物乎所謂無極之前陰函陽者在矣坤為母之妙存矣而坤為母不根於太極之靜乎易風火家人曰男正乎外女正乎內男女正天地之義也又曰父父子子兄兄弟弟夫夫婦婦夫婦正而家道正家道正而天下定矣婦亦可以少乎婦不可少者非杜撰得出也易太極也不然則男之為堯為舜為禹湯為文武為孔孟為周程張邵為紫陽朱子者可以為聖為賢而女之為

媯汭二女為太任為太姒為丁氏為紀叔姬為公父文
伯母為衛共伯妻為曹大家舉不足言矣而詩所謂文
王嘉止大邦有子舉不足信矣易太極果若是哉有善
非婦人也有惡非婦人也特以坤為至靜資生萬物乃
順承天婦人從夫不可以有為者豈言婦人不足論哉
母之善予不知而太極予則知也由是觀之則坤為母
者道之根也太極之妙也造化之原也以文字求且為
斯道之糟粕而况以重乎文字者哉予言至此汝申不

覺以首至手曰先生之言易矣皇極經世矣箕子之疇
矣某何足以知此哉廼以史癡壽圖諸大方家壽軸請
予書其上持以壽母而母庶幾其有言曰仁義中正而
主靜者雖吾婦人亦不能無分也

贈禪老清上人授僧錄左覺義序

釋清上人以相術居京師京師之人欲求知所謂富貴
窮達者未嘗不之上人相也而上人之相亦輒應以故
上人之善相名滿天下雖予之駸魯退處深山窮谷無

所事於此者亦知上人之善相人也和陽尚廷臣曰上人豈特能相人哉上人自祝髮居京師四十年衣未嘗識華食未嘗識飽顧嘗閉閣靜坐脇不及席足不及戶外尋尺之地以求佛之道所謂明心見性者亘五十六年不倦寂寞苦空無所不至人皆謂上人與王公貴人交可以富貴自處而乃如何也豈所謂惡逸而好煩者哉上人曰不然農執耒耜出粟以供上工作貨器以供國家用兵執干戈以衛社稷皆亦人耳吾亦何以異於

人哉吾得世之所謂淡修者去其勞而取其逸蓋亦幸也苟於吾業有未能精吾道有未能勤夫豈不愧於彼哉上人以為道雖勤而其心則又甚公以恕非若他之學佛者膠固而不通也故每語其徒曰道一也天下之為道者曰老曰釋曰儒儒者常非釋老而釋老二氏又常自以為是不少屈每與之相抗相詆訾自不相容此不知何也吾嘗讀儒者之書有曰無極而太極與吾之所謂萬法歸一一歸何處者似矣讀書不如靜坐與吾

之所謂不立文字直指明心見性成佛者似矣母意母必毋固毋我與吾之所謂真空絕相事事無礙者似矣夫既似矣然又有所謂似是而非一毫千里者豈將儒者之說謬哉不然必有所見也人之道惟其中以為是而已吾之道果是也吾則以為是而從吾之道吾之道果非也吾則以為非而從儒之道非從吾與儒也從道也吾知從道而已夫庸知其吾與儒哉苟曰吾業專矣吾道勤矣而執之者非所以為道也至於與王公貴人

交也則亦不徒與之貧賤富貴其面目而已而若今之
某廉某忠某貪某佞某君子某小人上人又未嘗不洞
見其肺肝也上人豈特能相人哉予曰古之人謂靜能
照物而上人所以能若是者有靜以為之主也使或不
然而上人之相僧繇之畫也高閒懷素之草書也夫豈
所謂道哉而今也謂上人為僧繇高閒懷素者吾不信
也上人今年以高行得領天下僧錄左覺義事廷臣與
上人為方外交偕其戚曹某者求言以贈夫一覺義豈

足以輕重上人哉釋之道以天地萬物為空而視吾
身為假借而吾亦不敢以是重煩上人聽也而乃述廷
臣之語予者如此且質諸上人嘗有是言否哉遂為之
序

友山詩序

天地一我也萬物一體也天下古今知者誰哉予思知
之故曰致中和天地位焉萬物育焉孟子知之故曰萬
物皆備於我周濂溪知之故曰窓前草不除與自家意

思一般朱子知之故曰天地萬物本吾一體是數聖賢者何以知哉見道真也見之真故心與道一自不知其天地萬物之為我而我為天地萬物也陶淵明不知固嘗曰采菊東籬下悠然見南山夫可見者誰之山乎韓退之不知固嘗曰某水某丘吾童子時所釣遊矣夫可釣遊者誰之丘水乎嗟乎天下耳目安可盡塗固自不能無具眼者也友山其亦知所以為山者哉其亦知吾聖賢之所見者哉友山以吾聖賢之所見觀之尚隔一

關矣天地萬物之中而曰無山亦不可是山者不可謂
非吾一體之物也山可謂之友哉友山未必無所見也
人但病夫見未真耳友山見果真見則萬紫千紅再來
朱子溪聲山色又一東坡苟或不然而徒影響形似優
孟叔敖亦奚以哉雖然人人有分箇箇圓成友山安得
謂我獨無分也友山居南海茶園吾見南海有茂儒焉
具子思孟子之道濂溪晦翁之學友山歸而以是質之
當必得以吾子奉之上下以求吾道之真以求不愧於

古聖賢者殆亦可矣子毋徒以為東家丘也友山詩成
帙委其引於予予固嘗為友山拈一詩也人皆以為宋
頭巾不可甚解遂敢申其說以為之引

送陳直夫先生序

予在京師時見天下之賢者多矣得與十人者交焉如
陳白沙之大羅一峰之廓陳直夫之直李賓之之敏婁
克讓之公潘應昌之偉章德懋之浩沈仲律之溫黃仲
昭之暢林緝熙之雅皆予所不敢望而及者予皆取以

為友是十人者不以予為不肖亦皆有願納交之想而直夫與予又有婚媾之雅視他人尤厚善未嘗不責過未嘗不規凡所以教誨予者無一不盡而予亦不敢負直夫也其後予以憂歸病不能出是十人者或遠或近或去或不去與予聚散不常而直夫亦十年不一見今年直夫起復御史予喜得侍時或聽其議論以助不及未幾直夫又與應昌出而僉憲大藩矣予之喜者又不能不為之懼也予終於何所歸哉直夫將行過江與予

言別予留之三宿不能捨去直夫亦以遠別於是極論古今上下人物題品略盡凡所箴規予者亦無不至直夫視前日蓋加直矣直夫因自謂去其官居於鄉者十年鄉之人皆以直夫之直為好奇雖直夫亦不能與之以自辯者於乎直夫果好奇哉世俗之人軟美圓熟上下雷同不以為怪偶見吾直夫之直抗不容物譬之夏雪冬雷見者必駭不謂直夫之好奇吾不信也直夫學聖賢之學以孔孟為法直夫之奇其殆孟子之英氣伊

川之過剛者哉人以伊川孟子為非聖賢不可雖然聖賢以純粹為質寬恕為心攻其惡不攻人之惡見其短不見人之短坦坦乎寬平廣大之地廓落乎天包海納之中而泯然渣滓之渾融形迹之俱化也若夫英氣過剛者不能無少瑕疵圭角一世而凌厲萬古自攻之旗累仆累踣而攻人之陣則雷動鼓行於鴻門井陘之間為之不少貸矣嗟乎嚴霜烈日果如和風甘雨之可親乎龍蛇熊虎果如鳳凰麒麟之可愛乎孟子之與伊川

吾固知其非顏淵明道之比也直夫於此當何如哉賓
之贈直夫之詩曰病來緘口坐今日為誰開事忌於名
近身寧與世猜鸞鳳終瑞物鷹隼亦雄才畢竟將安作
煩君次第裁蓋將進直夫於聖賢廣大之中而望其刻
削乎崎嶇稜層之地故耳故予於直夫之行亦以是為
言非以孟子伊川為非聖賢也吾聞白沙以東白先生
之請將主白鹿洞直夫出此以求印正當知予與賓之
為不敢誑

羅鶴子應字序

江東羅鶴既冠求予字予字之曰子應鶴曰鶴何以為
有應哉予曰雲從龍風從虎應也水就濕火就燥應也
鳴鶴在陰其子和之亦應也故君子居其家出其言善
則千里之外應之出其言不善則千里之外違之夫其
所以應與違者其故何哉蓋亦氣類之相感者也夫其
氣類之相感者豈徒感哉以一人之心而通乎千萬人
之心也以一世之心而通乎千萬世之心也惟其心之

同也是以曰朱先生安在曰中國已相司焉天地間之相應者豈止千里之外哉雖四夷之遠無不應矣曰禾盡偃大風拔木曰郊焉而天神格廟焉而人鬼饗雖大而天地幽而鬼神無不應矣曰鳳凰麒麟皆在郊數曰鳥獸魚鼈罔不咸若雖微而草木鳥獸無不應矣夫君子之道自微而至著自近而至遠自涓滴而至於為海自一言一行之微而至其極也乃至於四夷之應天地之應鬼神之應草木鳥獸之應如此果何謂哉所謂修

已以安百姓是已所謂致中和天地位焉萬物育焉是已所謂不顯惟德百辟其刑之君子篤恭而天下平是已是其應者聖賢之學問周公孔子之能事也嗚呼人非周孔何學鶴其可以不知其所以為應哉鶴曰有是遂書以為羅鶴子應字序

湖上青山詩序

湖上青山者何贈文林郎監察御史王公自題其墓也湖上青山詩者何公自題其墓諸大夫士為公作也諸

大夫士為公作者何以公湖上青山之事為奇而公之死不失其正也死不失其正者何夫死生晝夜然死亦人之大是以古之死亦固有不同焉者未易論也而惟不失其正為至子疾病子路請禱子曰丘之禱久矣曾子有疾召門弟子曰啟予足啟予手而子路於孔悝之難又必結纓而後死莊周列禦寇之死不然而以死為決疣潰癰劉伶使人荷鍤隨曰死便埋我而荆軻聶政又皆以慨慷激烈而身死夫孔曾季路之死以道聖賢

死也莊周劉伶之死以誕曠達死也荆軻聶政之死以憤豪俠死也孔子曰朝聞道夕死可矣曾子曰吾得正而斃焉斯已矣古之死不一惟聖賢得其正也林和靖臨終詩曰湖上青山對結廬又曰茂陵他日求遺稿猶喜曾無封禪書其死雖未足以語聖賢然觀其詩則於司馬相如之死已過萬矣公愛和靖故其死也擇地鑑湖偃卧其上朗吟和靖詩呼其子鎰之曰吾死葬於此以湖上青山題吾墓明年公死葬焉其事類曠達而其

志和靖則亦可謂不失其正也夫聖賢者人之成法公之死不失其正乃不於此而於和靖者何公豈無所見哉和靖隱者也隱者之跡長晦而聖賢之名常不可掩古之君子其處已也厚其取名也廉是以實浮其名而世誦其美不厭予不識公與和靖不知同否今以其子提學公考之知其父公以和靖自退托也孔明自比管樂孔子自同丘明竊比於我老彭後世實則不至而有侈心焉者非公謂也公廉於名太僕文公以詩引見屬

者何廉於名者公之心懼公德或泯而無所彰者提學
人子事也人子不忍死其親之心豈有窮已然汲汲以
成人之善使有規於後世者亦予分所不敢辭也而予
者何定山居士莊某也

壽開化汪處士七十序

古今一大旦暮也天地一大傳舍也人物一大浮漚也
何為壽何為而不壽哉人有以為壽者自觀者小而不
知其大也不知其大十二萬九千六百惡乎其不以為

大乾開坤闔陽動陰靜惡乎其不以為久盈天地間齒
髮爪牙水火土石動植飛走惡乎其不以為繁然人但
知一元十二會以為大而不知元會為古今者亦有時
而窮盡也人但知陰陽動靜乾坤開闔以為久而不知
造化往來為天地者亦有時成壞也人又但知乎生生
長長總總林林以為繁而不知凡有所生者亦有時生
死也嗟乎果真可以為大為久為繁者哉知其不可以
為大為久為繁者故所觀者自不容於不大也邵子曰

道為天地之本天地為萬物之本以天地觀萬物則萬物為萬物以道觀天地則天地亦以為萬物是其所以為大者無有出乎道也而道則何所為哉是故古今有先後而道則無先後也天地有成壞而道則無成壞也人物有生死而道則無生死也惟其無先後也故貞而元元而貞而古今無窮盡矣惟其無成壞也故成而壞壞而成而天地無盡藏矣惟其無生死也故生而死死而生而人物無停息矣是以知其大而所觀者大也故

凡所以短古今為一時小天地為一粟薄人物為微塵者非自夸大也亦無非以道為天地之本有是道則有是天地有是天地則有是人物有是人物則有是古今也夫古今天地且然人物且然而況為壽為不壽哉今年夏鄉進士開化汪君金恩以其父處士壽七十走自成均過定山求予一言以為壽且謂處士讀書好學汲汲於愛人之仁謂仁之施於人者惟醫為速故於醫學為最精夫道雖以生乎天地萬物為大然道亦未有過

乎仁者而仁亦豈有過乎愛人者哉以天地萬物觀之
先儒謂天地以生物為仁人以愛人為仁至於植物之
微亦各以核所藏以生者為仁而謂仁非道不可處士
於道亦未必無少見也予蒙昧之人道雖未有所得然
以其請也則又惡敢以已而負乎人哉故於處士之壽
不以壽而以道

貞庵詩序

天地有大間架有大樞幹有大疑惑有大間架有大樞

幹可以至矣然亦有大疑惑者何哉夫大之極者疑之極也疑之極也故舉天下之大者皆可以而為一大疑團子矣是故天地之間架莫大於易而易之樞幹莫大於貞易始於元而成乎貞成乎貞而又起乎元是易之元亨利貞者時之春夏秋冬也經之易書詩禮也世之皇帝王伯也人之耳目口鼻形體情性而物之飛走動植也此豈細事也哉是貞者天地陰陽之妙義文周孔之傳周程陳邵之學天地之間凡言大者豈有過於此

哉天地之為大者如此大何大而笄簪髻鬢之流謂之
婦人乃得以貞而名以貞而居而世之吟咏嘲笑者又
得以風花梧月其妙而牛鬼蛇神其怪疊疊焉惟恐有
一之或後此其為疑也夫豈小哉疑不小也而解之者
亦可小哉易曰夫子制義婦人從一丈夫有此易也而
婦人無此易乎太極圖曰乾道成男坤道成女丈夫有
此太極也而婦人無此太極乎易又曰男正乎外女正
乎內男女正天地之義也丈夫有此天地之義也而

婦人無此天地之義乎君為臣綱父為子綱夫為妻綱
謂之三綱君臣有義父子有親夫婦有別長幼有序朋
友有信謂之五常無一不可婦人豈得謂無分哉新塗
周某為其母求貞庵詩序周母貞矣予於綱常之大得
無解乎遂書以為貞庵詩序周某觀之乃驚起而謝曰
疑團子今日打破也

為余生謝程醫序

蜀有余生者學醫於新安程文炳先生既三年其尊甫

僉憲公有今陝西之命生侍行明年乃持幣帛走數千里謝先生於新安且詣定山求一言予之言豈足為先生謝哉予以先父母故識先生於南京往來十五年如一日先生之醫予知之予非徒知先生醫雖先生之心予亦深知之矣先生之醫主李東垣朱彥修至於河間戴人之論若不足以屑者豈河間戴人不可以為醫哉舉旗斬將之能雖足以快於一時終不若補養元氣者之可以萬全而無失而先生之醫王道之醫也先生之

心長厚仁愛不問富貧病有所急雖萬金良藥不以貧者而靳病有所緩雖牛溲馬勃不以富者而遺而先生之心王道之心也昔有生從風角於改醫者既歸醫為合膏封簡書曰有急發之生至葭萌爭渡吏撾從者破頭乃開封曰到葭萌與吏破頭者以此膏封之其人乃還卒業夫以改醫觀之則先生之醫若未可以盡得者醫且不可盡得而況可以盡得其心哉古之人不為良相則為良醫先生以良相不可易得而良醫可以易行

於是擇其易者而行之故先生之心與醫皆汲汲王道者堯舜君民之心也良醫之具也生思所以自立於天地之間者何事哉先生之心不可以盡得也世之人有從師以學言下頓悟遽有所得者皆是生之從先生非一日矣豈無所得哉然知弟子者莫如師生果能有所得也先生必知之果不能有所得也先生必知之知其無所得也必當以改醫合膏之事警之以卒其業不可聽其去也知其有所得也又當使之以致其謹謂學書

者紙費學醫者人費苟有一毫不謹則其費人也豈有窮哉是生之得與否者又皆在乎先生也使生於此果真有所得而又能致其謹焉先生之道可以南矣先生之衣鉢有所托矣先生之心必無不樂而生之謝先生者亦無不至生苟不知出此而徒欲致區區於幣帛文字以為謝者豈先生之心哉予與僉憲公為同年於生為父執誼不可辭遂書以告且致鄙意於先生者亦不敢負忠告於所知也

壽朱處士七十序

往年予讀杜子美人生七十古來稀之句未嘗不嘆浮生短世光景飄忽而謂長生術不可以不學及觀朱晦翁感寓詩有曰飄飄學仙侶遺世在雲山盜啓元命秘竊當生死關以近所謂但恐逆天理偷生詎能安則又以為人之所學不可一日不正而神仙家之說雖學無益也二者將安取衷哉一日予坐卧林隅得程伊川語錄讀至所謂節飲食寡嗜欲定心氣三者予乃大悟曰

飲食不節則饑飽失宜而有內戕之患嗜欲不寡則邪
僻日生而有自賊之虞心氣不定則靈臺以昏天光不
發而吾之主人翁常不敢望其惺惺而百體無一從吾
令矣是知三者豈特為養生之要而人之為學而凡所
以為聖為賢思以自立於天地之間者亦無以加於此
也故予每以自持每以告人未嘗捨是而他有所適但
予以騷魯之質而又加以懶惰無匹不自鞭策言之未
必能行行之未必無少間斷每自念及則又未嘗不為

之盡然內傷惕然汗出浹背也清江朱處士彥清年七十筋力強健耳聰目明若四五十人人有問者處士曰吾鄙人豈有他哉吾但能安於田里與人無鬪格無爭訟意外之虞不一擾於吾心朝夕食一蔬一飯寢處一室此外泊然無有也予聞之以為有會予心有得於伊川氏所謂三者之說每欲往造其廬而有請焉但予深山野人麋鹿踪跡乃與城市畧相杓鑿而走未遑暇也今秋客有毛雲翰者詣予求言以壽處士予遂以雲翰

故有及於此且有請焉處士倘不鄙予大帽長衫坐我
活水有以話及予於處士亦不敢少恡何如何如

壽謝母序

石居子以書告於景曰吾友昌母壽敢請一言以壽景
曰惡壽石居子曰壽其壽亦不罔其壽景曰乃若茲壽
彼可壽此亦可壽約途之人也曰吾欲以是壽亦罔不
壽而况乎請以子哉况乎出於其景者哉石居子曰子
有以壽敢請其壽景曰天下之物無所終亦無所始有

所始者自始不始其始有所終者自終不終其終是以
聖人一始終齊壽夭等萬物同古今壽不壽其壽夭不
夭其夭不醜其窮亦不榮其達不雄其成亦不毀其不
成悅乎其相忘沛乎其不拘也澹乎其無悅也種種乎
其無所與有為也以夭為徒而訢不入不禦儻然而來
忽然而去而已爾故其在太始也不以為崇在魚躍之
下不以為深先宇宙生不以久長是以古人亦有之人
挈天地得之以襲氣母得之以騎日月處玄宮得之以

坐少廣莫知其先莫知其後得之以上及姚姒下逮五
伯得之以乘東維騎箕尾而自比於列宿者壽不然而
妄意乎壽吾見負山以蚊馭陸以舟而尚曰求其幾幾
者不已艱哉石居子曰果若茲也殆可與之以入無極
之門遊無何有之鄉與日月參與天地為常人其盡矣
而我獨存者乎壽之大者莫過於此請書以歸景昌以
壽其母

定山集卷六